



Notat

Frå:

Meline Heimdal Haugland

**Fritidstilskot til barn og unge i Samnanger kommune
- framlegg til prosjektskildring**

Saknr/Journalnr

22/807/23/11019//MEHH

Arkivkode

FA-X06

Dato:

30.10.2023

Bakgrunn

I kommunestyret 08.12.22 fekk rådmann i oppgåve i å vurdere løysingar for å bekjempe relativ fattigdom i Samnanger kommune (KS-vedtak 079/2022). Som del av dette arbeidet bad kommunestyret rådmann om å vurdere ei løysing med tenestetilbod for familiar som lever i relativ fattigdom, og gjere ei vurdering av fritidskort som tiltak. Til kommunestyret 16.06.23 la rådmann fram sine vurderingar av tiltaka. Følgjande vart vedtatt:

KS-046/2023 Vedtak:

Samnanger kommune etablerer ny teneste kalla familielos. Denne vert lagt til einings for livsmeistring og skal ha følgjande føringar:

1. Stillingsstorleik 30 – 50 %.
2. Plan og informasjon for tenesta skal utarbeidast. Oppstart av tenesta skal skje seinast 01.01.24
3. Innsatsområda skal vera:
 - Tett-på-samarbeid med barnehagane, skulane og helseeininga for å drive førebyggjande arbeid. Dette skal skje etter oppsett plan og med fast saksliste.
 - Tett-på-arbeid inn mot familiar og einskildpersonar i Samnanger som opplever relativ fattigdom. Føremålet er å kunne bidra med konkret rådgjeving og rettleiing knytt til økonomiske – og øvrige forhold som kan påvirke levkår negativt. Familielosen skal kunne tilby relasjonell støtte, handlingsplan over tid, hjelp i møte med ulike øvrige tenesteområde (koordinering, tilrettelegging og oppfølgingsstøtte).
4. Det vert utarbeidd oversikt over aktuelle tiltak familielosen kan hjelpe med. I tillegg oversikt og funksjon som øvrige tenesteområde kan bidra med inn i arbeidet. Livsmeistring har koordineringsansvar.
5. Tilbodet er frivillig. Familielosen vil ha ei oppsøkande og inviterande tilnærming.
6. Kostnadane for tenesta skal dekkast innanfor budsjetttramma til sektor helse og omsorg.
7. Tilbodet skal rapporterast om til kommunestyret saman med den årlege barnevenrsrapporteringa.

KS-051/2023 Vedtak (utdrag):

3. Kommunestyret godkjenner følgjande tiltak finansiert av disposisjonsfondet: Tiltak relativ fattigdom: - Tilskot til private – Fritidskort/fritidstilskot – 1 000 000 kr.

Verbalpunkt:

Rådmannen kjem attende i kommunestyret hausten 2023, etter at familielos er tilsett, med forslag til korleis midlar avsett til relativ fattigdom kan nyttast med størst mogleg måloppnåing.

Avgrensingar

Midlar som er sett av til Fritidstilskot et avgrensa til kr. 1 000 000. Fritidskortet er ei etter kvart godt utprøvd ordning, og mange kommunar er nøgde med dette tiltaket. Nokre kommunar har avslutta tiltaket av ulike grunnar. Det som er ein fordel med fritidskortet, er at alle kan få det, og ikkje berre utsette grupper. Dette er med på å redusera stigmatisering når ein nyttar kortet. Ulempa med dette er at fritidskortet også går til familiar som ikkje har behov for økonomisk tilskot til fritidsaktivitetar, og at ein då fordeler midlane på langt fleire enn dei som nødvendigvis treng det. Ved å innvilga eit fritidstilskot, vil ein kunne nå den rette målgruppa direkte, og få meir nytte av midlane som er løyvd til tiltaket.

Tilrådingar

Prosjektplanen for ei prøveordning med fritidstilskot er eit forslag til korleis midlar avsett til relativ fattigdom kan nyttast med størst mogleg måloppnåing. Fritidstilskot til barn og unge vert føreslått som ei prøveordning kor barn 6-18 år i familiar som opplever at dei lever i relativ fattigdom får tilskot til å delta i fritidsaktivitetar. Ordninga er tillitsbasert. Ein må søka om tilskot, men det er ikkje krav om dokumentasjon av privatøkonomi. Det er føreslått å gje inntil kr. 3 000,- per born per året. I særskilte tilfelle inntil kr. 6 000.

Familielosen vert kontaktperson og sakshandsamar for ordninga. På denne måten får familielosen ein viss kunnskap om omfanget av relativ fattigdom blant barne- og ungdomsfamiliar i Samnanger, og familielosen får ein innfallsvinkel til tettare kontakt om familieane ønsker det. Familiar som tek kontakt om fritidstilskot treng ikkje treng nytta seg av dei andre tenestene som familielosen tilbyr, men vil verta informert om kva familielosen kan bidra med.

Konklusjon

Rådmann rår til prosjektplan for prøveordning med Fritidstilskot for barn og unge i Samnanger kommune.